

Sim Ar Setawak' Golpo

Mit't.en Sim ar Seta a.d.i gatekin tahe~kana. Ja~ha~tege mit'tekin dar.ankan tahe~kana. Onkage mit'din dar.a dar.atekin n'uhumena. Ado un jokhen bir gajar.re asraekin hataokeda. Sim do darere dec'ena ar Seta do ona dare latarre gitic'ena. An'gayen khan, Sim do et.ak' dinko lekage kukr.u got'keda. Simak' kukr.u an'jomte mit't.en Toyo doe hudiskeda, tehen' do Sim jel tegen' baskeyagok'a.

Onka hudis bar.akate Toyo do ona dare latare senente nana parkan sebel sebel kathate Sim bula.ue reak'e kurumut.ukeda jemon do dare khone phed.ok'. Are metaekana, ja~ha~nak' bam monekhan am sa~ote tehen' dinin' khemao dar.eak' khan a.d.igen' ra.ska.kok'a. Menkhan Sim doe menkeda, end.ekhan mit't.en ka.mi hoyok'tama, thor.agan ona dare gond.a sec' calak'me. In'ak' jinis ko okoye d.ohao uni do ond.e ja.pit' akada. Uni hohoaeme, end.ekhan unige in' t.hen hijuk' reak' hor se dua.re jhic'ama. Seta do Toyo hijuk'kan n'elte don beret'ena ar Toyo ger akhamkedete goc'kedea.

Sikha.una: Et.ak' hor. ja~ha~e ja~ha~n pha~nd se muskilre par.aoe kurumut.u lekhan, ona pha~nd se muskilak' redo ac' nija.ge par.aok' hoyok'taea.

**Bon'gobondhu Sheikh Mojibur
Rahman Ak' 104 Serma Janam
Ma~ha~ N'utumte Gapalmarao**

Sabha

At.hwar hilok' (17 March) Chapainawabgonj jila reak' Amnura Mission Primary School mat.h re Ban'gladisom etohop'ren ka.rigol, ja.tia.ri koren apat' Bon'gobondhu Sheikh Mojibur Rahman ak' 104 serma janam ma~ha~ ar Gidra. ma~ha~ n'utumte galmarao sabha, siropa em ha.t.in' ar ra.ska.jon' akhr.a hoe pura.uen a. Noa akhr.a doe bondobosleda Rajshahi Bibhagio Khudro Nrigosthi Cultural Academy ar NAGR (National Agency for Green Revolution).

Maran' per.a lekate set.ere tahe~kana Chapainawabgonj Sodor upajila ren Nirbahi Officer Tasmina Khatun. Akhr.are sabha mukhia. lekate tahe~kana Rajshahi Bibhagio Khudro Cultural Academy ren gobesona kormokorta Benjamin Tudu. Uniak' a.k'yurte bises per.a lekate set.ere tahe~kana Songskriti Montronaloy ren system analyst Sakhawat Hossain, Dainik Sonar Desh khobor kagoj ren sompadok ar Rajshahi Bibhagio Khudro Cultural Academy Nirbahi komit.i ren sodosso Akbarul Hasan Millat, set.ere tahe~kana NAGR ren a.yuric' manotan Stephen Soren, sa.n'gin' disom Australia khon hec' set.erakan manotan per.a Elisabeth Bakker, ar Academy nirbahi komit.i ren soddoso Susen Kumar Shemduar. Janam ma~ha~ akhr.a a.yur re tahe~kana Rajshahi Bibhagio Khudro Nirigosthi Cultural Academy ren songit prosikhok Manuel Soren.

Bon'gobondhu ak' janam ma~ha~ manao akhr.are set.erko tahe~kana Tabitha Kinder Garten School School, Amnura Mission Primary School, Ar Bilboltha Adivasi Primary School ren pa.thua. gidra. ar mahasoe ko.

Akhr.are Maran' per.a doe la.i ja.hirkeda , Ja.tia.ri koren apat' Bon'gobondhu do Tungipar.a n'utuman mit't.en ato-t.olare janamlente tehen' Ban'gladisom n'utuman disom bon hamet. dar.eakada. Cedak'je, Bon'gobondhu kha.tirte Ban'gladisom lekan sa.dhin disomre sanam ja.tigost.hiko tehen' suluk ar nira.ite jion jingi bon khemaoeda. Bon'gobondhu do disom ar disomren hor.ko a.d.itet'e dula.r.ket'koa. La.r.ha.i calak'kan okte uniak' 52 serma janam ma~ha~re mit' bidesi khoboria. (sangbadik) ak' kuklire ror. rua.r.leda, noa nacar disomre in'ak' janam din se gujuk din ban' cet' kan. Tinre ja~ha~ege monaekan aleak' jiwi ko hataoeda. Ona sa~ote arho~e la.i sodorkeda, 17 March do

eken Janam ma~ha~ do ban' kana, gidra. ma~ha~ ho~ kana. Ente Bon'gobondhu do gidra.ko a.d.i a~t.e kusiako kan tahe~kana. Ac'ren gidra. leka joto gidra. mit'ge dula.r.et'ko kan tahe~kana. Menkhan mit' dol ba.r.ic' hor. 1975 serma 15 August do ac'ren ka.t.ic' kor.a gidra. selet' gharon'jren ko goc'ket'koa. Menkhan enreho~ Bon'gobondhu ak' kukmu reak' sona disom benaore ka.mi kana ac'ren hoponera Maran' montri Sheikh Hasina. Uni do 2041 serma bhitrite Ban'gladisom mit't.en lahanti disom lekate benao rakap' ar ac' babawak' kumku pura.u la.git' kurumut.u salak'e ka.mi kana.

Ina.kate akhr.are janam din n'utumte chobi a~kao, olok' hapar.ao ar Bon'gobondhu n'utumte rocona olok' haparaore jit akan gidra. ko talare manotan per.a koak' tite siropa em ha.t.in' hoyena.

Mit't.en Kur.i In' Dula.r.kedea-Eyae Ak' Porbo

Dula.r.ia. Gate,

Noa do in'ak' bad.haok' kan ra.ska. salak'in' olam kana, ente nonkan' bujha.ueda je nitok' eskar oco akan leka ar ba.n' a.ika.ueda, ar noage na~wa~ dile ema.n' kana.

Amak' hina. dhaoak' cit.hirem olakada je ja~ha~e kor.a ja~ha~e man ta~ha~ kur.i sa~oe gitic' khan cahe karon n'amea ar ban'khane bemurwa.dok'a. Noa do khub hahar.an' bujha.ueda-in' ma t.hik sa.buda mentege je ba.n' bemurwa.dia.wa okan' cekaket' man' onka akat'. Nitok' do begor luka. chapaete kand.otet'ge or.e or.pat' in' la.iama. Ona obhagio din do in'ren mit't.en gate kor.a ac'ren gogo baba hirikin la.git'e ria.ukedin'a. Okte do a.yup' tahe~kana. Ako or.ak'telin' mohnd.a akan horrege cir.ha.uin'e portonkeda. Menet' tahe~kanae judi

cele kur.ige ba.n' cakha akat'ko khan tobe asolre herel don' ban' kana. Onko or.ak'lin' tiok'ket' khan, ac' go baba do bakin tahe~kana. Galmarao bar.aet' tahe~kanale ar uni kur.i do ha.nd.i ho~e emalin' kan tahe~kana. Ackage uni gate kor.amam paskaoen, ar uni kur.i tuluc'e eskar ot.oka.din'a.

Unimam ne~otakedin', tinren' ban'keda tobe ma landawa.n'e ehop'ket'. Ar joto khon ba.r.ti do "ma~yo" ye metadin'a. ar ale desi pa.rsite ma~yo do onkan kor.ale metakoa okoe pocra ho~r pocrage ar herel murwa.d ho~ ba.nuk'tae. Ale somajre ja~ha~e ma~yo men ocok' do sanam khon ba.r.ti opoman kana, sahao khon bahrege. Unre in'ak' herel murwa.d alon' pormanae khan tobe ma in'ak' n'utum do got.a t.a.nd.i chia.k'geye menkea. Sa.ri sa.rigen' la.iam kana asolre uni kur.i do am oka manete "dula.r." em n'umet', kha.t.i uta.rge ona manete do ban' tahe~kantin'a, botor do nia.ge jeko cir.ha.uin'a ar in' reak'ko lusurphusur bar.ae noa botorge sanam khon ja.stin' a.ika.ueda.

Nitok' do la.ia.n'me, cekate herel don' bika.uk'a ar herel reak' sabasin' n'ama herel leka ba.n' ka.mile khan?

Noage

Amren Biswa.si

Gate

Mit't.en Jel Ak' Golpo

Mit't.en Jel-e tahe~kana. Ado uniak' do mit' me~t' ba.r.ic' ar mit' me~t' do mon'jge tahe~kantaea. Jemon ja~ha~n muskilre aloe par.aok' ona ia.te jaoge din hilok' dorea~o ar.e ar.ete a.tin' bar.aet' tahe~kana. Ac'ak' mon'j me~t'te do jao ghur.ige d.an'ga sec'e non'joret'kan tahe~na, jemon ja~ha~e sika.ri se setako hec'lenre usa.rate ta.n'khi dar.eako. Ente dorea~o sec' khon ja~ha~n muskil

hijuk'a mente bae hudiset' tahe~kana. Onate ac'ak' ba.r.ic' me~t' do dorea~o nakhage saman'et' tahe~kana. Mit'din ackage dorea~o re la.uka.te thor.a hor.ko calak'kan tahe~kana. Onko hor. do Jel ko n'el n'amkede torageko tun' goc'kede. Ado gujuk' okte Jel doe menkeda, haere ba.r.ic' bha.gtin'! Dan'ga sec' khon hec'lenre ja~ha~n muskilre alon' par.aok' ona la.git' tina.k' lekan bebosthan' hataokeda, menkhan enreho~ artet'ge algaten' goc' ocoyena.

Sikha.una: Joto khon ba.r.ti oka nakha khon ja~ha~n muskil ban' hijuk'a mentebon hudis, aema okte n'elok' kana ona nakha khon hijuk'kan muskilak'rege ba.r.tibon par.aok' kana.

Mit't.en Kur.i In' Dula.r.kedea-Turuiaak' Porbo

Dula.r.ia. Gate,

Amak' ses dhao reak' kuklige acha ehop' ocoa.n'me: Ban', noare do in'ak' pa.tia.uge ba.nuk'a je mit' hor. do ina. somoerege aema ayoye dula.r. dar.eako. Asol do am " dula.r." reak' cet' maneyem lagaoet' onarege t.arhao akana. Judi mit't.en kur.iye "dula.r." kan khan, judi dula.r. do sukbhogjon' chad.a cet' ho~ ban' kan khan tobe khan do t.hikgem meneda. Menkhan " Sa.ri dula.r." , one okat.ak' reak' Baebele la.iet'kan ar am ho~m n'am akat' ona do eken jel reak' do ban' kana menkhan ontore reak' ho~.

Kha.t.ige ona ka.htuk dom bad.aegee : " Okat.ak' ontorre aema hor. la.git' t.ha.~i menak' onare mit' hor. moto la.git' do t.ha.~ige ba.nuk'a." Noa do sa.ri uta.rgea. Baljak' do mit' dhaoe menleda: " Noa biswa.sok' je bapla akadeyic' motoge jaoge dula.r.e do ban' hoe dar.eak'a noa kolpona sik osombhoggea je mit't.en banam raja do mit't.ec' mon'j seren' saman' la.git' aema okoc' sapap' ja.rur.aea." Laharen' beyanak'me leka je juri la.git' pura. lekate da.yik do eken

mit't.en ayo la.git'gem dar.eak'a. Noa ho~m meneda je Baebelre do aema erajon' do ban' barona. Noa bisoyre Baebel do cet' lekae menet' ona selet' khub sabitate la.ilen khan nit nond.e d.her okte lagaokok'a. Eken khat.ote nina.k'ge ror. ocowa.n'me. Mare Nia.mre ho~ aema erajon'an a.n do ban' tahe~kana, menkhan chad. lekage hoe akana. Adam, Noah, Isa.hak', Josephteko do jotoge mit' erawan hor.ko tahe~kana ar onka leka joto na.biko ho~. Judire ho~ aema era reak' n'amok' kan khan onakore karontet' do d.hertet' ba.n'jhi obosthare. Jaehok Baebel do aema erajon'te okako osubita ar muskilak'ko menak' onako do bhage sa.bitteye uduk'akada-hiska., bhabna bachao begarkate ba.sut bhasate dosar era reak' mane do "repec'" kana.

Baebel do noa selet'e mak'na kan ina. eskar do ban'. Ona do bapla reak' sa.bik bhan'gae emok' kana one ona khonge abo do bhon'tet' n'am tot'jon' hoyok'tabona. Menedae, "Ona ia.te mit't.en hor. do ac'ren en'gat apat ba.gia.kinte rinic'tet' t.hene jamar.ok'a, ar unkin (barea) do mit' jelkin hoyok'a". "Mit' jel" katha do nonka ho~ torjoma dar.eak'a mit' jivian, ar ho~ ona khon bes n'o~k' do "mit' hor.". Baplare herel ar maejiu ghuria.~ bar hor. dokin ban' kana, menkhan mit' kanakin. Baplate do bar hor. mit' jel nonkagekin hoyok' kana je nukin do mit' hoekatere ho~ ekar.hageakin. Bapla- hor. (juri-pa.ri) re bar bises hi~s menak'a, bohok' ar "ontor kund.i". Herel do bohok' khan ayo do kund.iye menogok'a. Banarge somange nui bapla-hor. (juri-pa.ri-ak' jibon la.git' ja.rur.a, nui bapla-hor. do begor bohok' se begor kund.iante jivet' bae tahe~ dar.eak'a se bar bohok'ante se bar kund.iante ho~ ban'. Eken mit' bohok'an ar mit' kund.ian hoyok' cahiye. Mane do noage je aemam erawanic' kan khanem amak' bapla do bapla kangea, menkhan am ar amren erako "mit' hor." dope ban' kana; ar ape jotoko mit'kate Isorak' "urga.n" do ban'gepe hoyok'a. Noage Isorak' motlob manwae sirja.ukedere tahe~kana: "Isor Ac'ak' urga.nan do manwae sirja.ukedea.....Isor reak' urga.nangeye sirja.ukedea; herel ar maejiugeye sirja.uket'kina." Aema erawanre bapla-hor. do ba.nuia one uni Isor hi~se bika.ukok'. Onkanak' baplate do Isorak' "pura.dula.r." oho a.rsi dar.elena, one oka do herel maejiu a.kinak' dupula.r.tekin sodoret'. Ekmatro mit' erawan baplage Isorak' dula.r. reak' doe goha dar.eak'a.

Amren gateko okako la.i akawat'me ona do eken pakka a.ur.iak' chad.a
cet' ho~ ban' kana. Baplak' lahare sambar.aok'te okoe ho~ tis ho~ bae
rua. akana. Ja.pit're ita. baherok' ho~ ja~ha~n rua. reak' cinha. do
ban' kana, bickom onate do noage bad.aeok' kana je amak' hor.mo do
sadharon ka.mi kana. Noako joto do Isorak' sirjon bhitri reak' kana je
hor.mo okat.ak' ban' ja.rur.tae ona do ac'tet'ge od.ok baherok'a. Bas
ina. kana. Noa danan're ja~ha~n osobhabik se ajana cet' ho~ ba.nuk'a.
Ona upra.~tre, judi am do ja~ha~e man ta~ha~e kur.i sa~otem gitic'
mit'len khan, Gurmi eman karon n'amjon' reak' maran' botorrem bolok'
kana, ar ban'khan manobaigyanik lekate ma~yo botec'geam botorrem
par.aok' kana. Onko okoeko metamkan je alo jemonem rua.k' se ona ka.mi
selet'em niropon hor.kan porman la.git' ja~ha~e kur.iyem onkayege,
onko do akoge besapr.ao hor.kanteko onkanak' bahanako n'amtot'
akawana. Noa do kha.t.i bad.aekam je amak' okat.ak' hudistege onkam
sodora.n'kan se ja~ha~t.ak' kuklitege in'tet' do bam tharbasao oco
dar.ea.n'a. In'ak' mon do tehen' onko aema jua.nko sec' da.ur.a.uk'
kantin'a. okoe do mone monetege kost.oko sak'hao kana ente akoak'
muskilak'ante jibon khek'mao hoyok' kantako. Sanan' kana ja~ha~ lekate
onko do uskurko n'amte onkan hor. t.hen akoak' mone reak'ko sodorkak'
okoe do onkanak' selet' solhako em dar.eako. Ma.sire boeha lekagen'
joharam kana. Uni kangeae Isorak' "pura. dula.r." reak' sa.bik na.muna
do, arem ja~ha~e lekanic' kange dula.r.et'megeae.

Noage

Boeha reak' dula.r. johar selet'

gatetam

Mit't .en Kor .a Ar Rel Ga .d .i

Reak' Golpo

Bargel pon (24) serma umer ren mit't.en kor.ae tahe~kana. Ado mit' dhao uni kor.a ar ac' baba do rel ga.d.i.rekin dec' akan tahe~kana. Uni kor.a do janla ar.ere dur.up' akan tahe~kante janlate bahre sec'e koyok' bar.aet' tahe~kana. Ackage kikia.uate mengot'keda, E ba, mase n'elme joto dare na.r.i~ko tayom sec'ge da.r.et' kana. Noa katha an'jomte ac' baba do muluc' muluc'e landayedada ar ona ar.ere dur.up' akan barea juri pa.r.i ho~ uni kor.awak' ka.ituk kin n'elet' tahe~kana.

Arho~ mit' gha.r.i tayom ackage kikia.ukeda, E ba, ma n'elme, serma rimil ho~ abo sa~otege da.r. idiyeda. Ona katha an'jomte unkin juri pa.ri do ar thir ba.kin tahe~lena, uni kor.a ren apat'kin metadea, cedak' amren gidra. do ja~ha~e mon'j d.akt.or t.hen bam n'el ocoedea? Ado uni kor.a ren apat' do landawate menkeda, N'el oco akadigea.n', nit do Haspatal khongelin' rua.r. kana, in'ren gidra. do jonom ka~r.a~ kanae, tehen'ge me~t' marsale n'am rua.r. akada. Onate tehen'ge sanamak' nawate n'el reak' a.te n'am akada are n'el dar.eak' kana.

Sikha.una: Dha.r.tire joto hor.ak'ge mit't.en ka.hni tahe~na. Onate Okoe ho~ bin bad.aete uni birudre ja~ha~nak' bica.r do ohoge t.hika. Pasec' sa.riak' ghot.na ame comkao dar.ekem.

Arho~ Tayomena Goc' Ocoakan Santalkoak' Bica_r Suna.ni

Gaibandha Gobindogonj re pea santal hor.ko goc' ocoakan reak' bica.r suna.ni do arho~ tayomena. Mon'gol hilok' (12 March-2024) Gobindogonj Sinior Judicial Magistrate Nazmul Hasan ak' bica.r suna.ni muca.tre adalotre ja~ha~n hukum ja.hir ban'kate dosar dine nend.akeda. Adv.Faizul Alom Ronon doe bad.ae ocokeda, noa mamla reak' aema dhao

sunani hoe akana. 12 March hukum jahir reak' din gotalena. Menkhan enhilok' ban'kate arho~ ina dosar din doe gotakeda adalot.

Note enhilok' ayup' bela santal koak' bica.r, or.ak'-dua.r. lo rapak', raput', lut.pat. selet' eyae dopha da.biante michilko od.oklena. Sahebgonj Baghda Farm Bhumi udhar songram komit.i koak' bondoboste adalot saman're noa michil ka.mihorako pura.ukeda. Noa lahare Madarpur, Joypurpara ato-t.ola selet' adom adom t.ot.hare benar, festoon ar.jha.nd.i tire sap'kate baba hor. ar maejiu mit'teko michil keda. Sahebgonj Baghda Farm Bhumi udhar komit.i ren sabha mukhia. Dr. Philimon Baskey ak' a.yurte, kathae ror.keda, Sa~o sabha mukhia. Sufol Hembrom, sadharon sompadok Rezaul Karim Master, Sohosompadok Moinul Islam, Ajmal Hossain, Treasurer Pricila Murmu, A.diva.si ko ren a.yuric' Suchitra Trisa Murmu, ina chad.a ho~ selet'e tahe~kana mamlaren ba.di Thomas Hembrom.



Sabha mukhia. Dr. Philimon Baskey doe menkeda, tikin tarasin pea hor.ko goc' ocoyena, enreho~ eyae serma paromen reho~ nit dha.bic'te mit't.en asami ho~ bako giriptarlana. Asami kodo akoak' ka.mi nirdae ko ka.mikana. Onko botorte hor.ko or.ak' bahre calak' ho~ko botorok' kana. Onate a.d.i usa.ra onare jopor.ao menak'ko asamiko giripter kate bica.r reak' bebesthae hoyok'a. Ban'khan santalko ko do arho~ maran' andolon se michil reko phed.ok'a.

2016 serma reak' 6 November onko pea santalko goc'len ona sernage 26 November Thomas Hembrom do ba.dikate 33 got.en hor.ko n'utumte ar bin oprom se acin 500-600 got.en hor. asami kate Gobindogonj thanare mamlaleda. PBI noa mamla tojbij reak' da.yike emadea adalot. Tojbij muca.tre mul asami ko badkate 2019 serma reak' 23 July 90 got.en hor.ko n'utumte adalotre charge sheet ko emkeda PBI. Noa charge sheet bema.n'jur kate 4 September MP Abul Kalam Azad selet' 11 got.en hor.ko

n'utumte birodhi se kha~isi reak' ba.dikeda Tomas Hembrom. Pettion amolre ona sermage 23 December CID ona tojbij reak' hukume emadea adalot. Onkage 2020 serma reak' 2 November adalot re report-e jomakeda CID. Ona lekate 2021 serma reak' 4 January do CID ak' na.lis kagoc' (objogpotro) birudre arho~ kha~isi keda ba.di.

Mit't.en Kur.i In' Dula.r.kedea-Mo~re~ak' Porbo

Dula.r.ia.gate,

Amak' cit.hin' par.haok'kan tahe~kanre, mit't.ec' Baebel reak' ka.li monere hec'adin'a, noa do aema dhaoten' an'jom akada, menkhan nitok' alaniak' cit.hi capat.ijon' reak' gor.ote nawa mane in' n'ameda: "Botor ba.nuk'anan' dula.r.re do; bickom pura. dula.r. do botorre od.ok gid.iyeda; ente botorre do sa.ja.i menak'a; ar okoeye botorok'kan, uni do dula.r.re pura. bae hoe akana."

He~k', ona do sa.ri kangea. Botor don' botorok' kan tahe~kanrege, ar sa.ri sa.rigen' la.iam kana, uni kur.i sa~oten' tahe~kan n'inda. do a.d.i kom ra.ska.n' a.ikauleda. Menkhanem bad.aea, arho~ tahe~kantin'a botor, one onate enhilok' onka ka.mi hoyentin' – botorena.n' judi pandere a.d.i okoc' ita. jarwawan khan kha.t.igen' rua.k'a. Ja~ha~tis do n'inda. kukmu~te ita.n' ar.ak'et' tahe~kana. Ado in'ren gatekoko la.iadin'a je noa muskilak' khon ban'caok' reak' do eken mit't.ec' upa.i menak'a ar ona do ja~ha~e kur.i sa~oin' sukbhog. Am do noa reak' cet'em menkea?

Am dom sontor akadin'gea in're rakap'kok' aema erajon' reak' sana khon. Cet' ja~ha~e-man-ta~ha~ kur.i ko sa~ote onka sukbhogjon' do ban' hoe dar.eak'te? Baebelre okare ho~ ol ba.nuk'a je alom erajon'a mente.

Noa cit.hire in' do in'ak' mon reak' oko danan' uta.rak' in' la.i

sodor akawat'mea. Asok'a.n' ja.nic' bam tharbasaok'a. Menkhan bad.aekam noa babot ja~ha~e sa~oin' galmarao onkankoge ba.nuk'kotin'a, in' go baba ma tho artet'ge oho ganlen. Ar d.akt.ori bid.a.u onare ma tho biswa.sge ba.nuk'tin'. Ale disomren d.akt.or do jao do sa.riak' do bako la.la.ia, ente ale or.ak'renko botorakoa ja~ha~ lekako cir.ha.u ocokok'a.

Amak' sombhuri n'utumte arho~n' gun marao joharam kana.

Amren pa.tia.r,

Gate

Mit't.en Ka.hu~ Ar Pajhar.

Mit' dhao mit' hor. buru t.ot.hate dar.ane calaoena. Ado ond.e dar.ankan jokhen ackage mit't.en ka.hu~ n'elkedeas, one okoeak' do banar pha~kr.a~k'ge ban' tahe~kantae. Ka.hu~ ak' nonkan dosa n'elte uni hor. do bogete bhabnayena are guna.nena pasec' okoe band.hej gidra.wak' ka.mi kan con' noa do. Are meneda, haere cando, cekate nui Ka.hu~ doe ud.a.uk'a? Ac'ak' jomak' ac'te bae jogar. khan cekate ban'caok'a? Tinre noa kathakoe guna.nok'kan tahe~kan t.hik ina. oktere mit't.en Pajhar. do t.hont.ate jomak' ger katet'e hec'ena. Ado Pajhar. lahare ten'goyente ger akat' jomak'e gid.ikedas are ud.a.u calaoena. Pajhar. ak' noa ka.mi n'elte uni hor. do artet'ge hahar.ayena. Onate hudisena, nonkage sisirja.uic' do ac'ak' sirjone ban'cao dohoe khan cedak' nuna.k' haron don' ka.mia? Tehen' khon cet'ge ba.n' ka.mia, unige jomak'e jogar.a.n'a.

Nonka menkate uni hor. do ka.mi ba.gikedas. Menkhan bar din paromen reho~ oka nakha khon ja~ha~n gor.oge bae n'amleda. Noa reak' karontet' bad.aejon' bakhra mit' a.kelan hor. t.hene senena. Adoe metadea, am do cet' barea ce~r.e~m n'ellet'kina? Mit' do Ka.hu~, one okoe doe akhamge ar mit' do Pajhar.. Am do cedak' uni Ka.hu~ leka hoyok'em menjon'

kana? Cedak' uni Pajhar. leka hoyok' ban' monam kana? okoe do ac'ak' jomak' ac'te jogar.et'kan, ar okoe do bin jomte menak'ko onkan ko ho'e jom ocoyet'ko kan?

Noa ka.hni ren hor. leakage abo ad.epasere ho~ aema hor. menak'koa okoe do jaoge et.ak' hor. cetanreko t.eha~do.k'kan. Onko doko hir.in'et' kana, nijete bam gor.o-gopor.ojon' khan, sisirja.uic' ho~ bae gor.owaea. Babar got.en ka.mi modre alga ka.mi la.git' hana nahwako a.nd.un'a. Tinre apnarte ban'caok' tahe~n la.git' jotowak' tebon kula.u ant.aok' t.hik un khonge abo do apnarte uni Pajhar. leka bon hudis gand.ona. Et.ak'ko ho~ ban'caok' tahe~n la.git' gor.owako hoyok'a.

Gidra. Umerre Bapla Ar N'u~ Bubulak' Babotre Cehaona Sabha

At.hwar hilok' (10 March 2024) a.yup' bela 5:00 baja khon Amnura Mission reak' Tabitha Kindergarten School reak' hall room re gidra. umerre bapla ar n'u~ bubulak' babotre cehaona sabha hoyena. Noa cehaona gapalmarao sabha do World Vision Bangladesh reak' unicef SBC project ar NAGR (National Agency for Green Revolution) gor.o gopor.ote hoe pura.uen.

Noa cehaona gapalmarao sabhare manotan per.a lekate set.ere tahe~kana, NAGR ren Director Mn.Stephen Soren, Jhilim union porisod ren 1,2,3 no. ward ren maejiu member Johra Begum, NAGR ren program officer Prodi Hembrom, ar ona sa~ote selet'e tahe~kana World Vision Bangladesh SBC - project field facilitator Mn.Samuel Hembrom. Amdaj pongel (40) leka pa.t.hua. gidra. ar thor.a gogo ko ho~ noa cehaona sabha reko

selet'lena.



Gidra, umerre bapla ar n'u~ bubulak' babotre pa.hilte kathae ror.keda, NAGR ren Director Mn.Stephen Soren. Uni do selet' akan pa.t.hua. gidra, ar gogo ko ac'ak' daman kathate uskurket'koa. Ba.r.tikaete gidra, umerre bapla reak' ar n'u~ bubulak' reak' ba.r.ic' ak' babotre bad.ae ocoket'koa. Ona chad.a ho~ gidra, umerre bapla lekhan hor.more aema lekan muskil se et.ket.o~r.e~ hoe dar.eak'a mente ona ho~ pust.a.ute galmaraoat'koa. Onka leka Jhilim union porisod ren 1,2,3 no. ward ren maejiu member Johra Begum ho~ selet' akan pa.t.hua.ko aema lekan kathate udga.uket'koa. Uni ho~e metat'koa, pa.hilte olok' par.hao ja.rur.a. Hor.mo reak'e khoti metak'me n'u~ bubulak'/nesa khon pharakre tahe~n hoyok'a. End.ekhan sa.rige mit'din mon'j a.kelan hor. pe hoyok'a ar darakan dinren marsal pe hoyok'a. A.d.i mon'jte noa cehaona gapalmarao sabha do hoe pura.uen.